

國立中央圖書館
藏書
卷一百一十一

二十二
戴

卷一百一十一
戴
四

卷一百一十一
戴

瀛環志略

六

第二号

明崇禎十年改

明崇禎

明崇禎

明崇禎十七年改

土耳其圖

明崇禎



土耳其國

土耳其國。土耳其。○土耳其基亞。○都耳基。○多爾其。○都魯機。○
 回部大國也。地分西中東三土。西土在歐羅巴界內。中土東土

在亞細亞界內。三土合計縱橫約四五百里。古時皆羅馬東境。
 即大後羅馬分東西三土。為東羅馬地。唐初阿刺伯回部方強。

取東中兩土建為藩部。土耳其者。本韃靼種。舊遊牧葱嶺之東。
 即今伊犁一帶。奉回教。展轉西徙。入買諾。即土耳其。居於加拉馬尼亞。

為亞刺伯回部所驅。逃避山穴。其後種族漸繁。元成宗五年。頭
 人阿多曼。一作阿多。招集種人。攻奪買諾。回國。即名其國曰阿多。

曼。至孫熱拉。德日益強盛。東土之。猶太。敘里。諸部。即土耳其。以次
 其東土。

蠶食。疆土愈廣。佛郎西日耳曼。嘗以兵六萬來攻。皆失利去。元
 順帝至元年間。土王渡海。伐東羅馬。與敵戰而勝。敵有將。創
 甚。卧戰場。請王親加刃。死無憾。王就之。敵將忽躍起。以短刀刺
 王中心。死。其子巴牙屑。一作巴西得渡海復仇。虜一萬人。盡殺之。會
 蒙古來侵。即元所封之巴牙屑禦之。兵敗被虜。後有摩拉多者。
 復奮起。侵略東羅馬境。土過半。子馬何美德嗣。尤勳雄。明景泰
 三年。滅東羅馬。取君士但丁城為國都。即土耳其西土。君士但丁。一作康思坦胎諾格
爾。西域附見錄。稱為恒哈爾。三土遂全歸。統轄紅海地中海南岸諸國。舊屬
 阿刺伯者。或納土。或稱藩。阿刺伯亦納款為屬國。後東取波斯。
 建為大藩。幅員之廣。幾比盛於羅馬。全國其用兵屠戮最慘。每

戰斬首以萬級計。治法全尚刑威。賦斂尤煩苛。嘉靖以後。嗣王
 多昏庸。醉飽殘殺骨肉。以此篡弒頻仍。稱為亂國。後宮常五六
 百人。初生子者為后。回回教主持國柄。作威福。諸大酋守地者。
 股膏血。以自肥。彙滿則王賜帛。自斃而簿錄其家。蓋西國之昏
 虐無敵。未有如土耳其之甚者也。初土耳其既得三土之地。各
 分部落。領以大酋。名曰巴札。地廣權重。漸成尾大。東土尤窳遠。
 難制。康熙中。其王達哈。荷麻孱弱。不綱。諸巴札專制一方。名雖
 為臣。徵調多不應命。東偏之亞爾美尼亞。古爾的斯丹。皆衣租
 食稅。不供王室。巴札羅尼亞部。即後不達達巴札阿墨。嘗據地以
 叛。土王那達沙征之。累年不能取。至塞黎慕嗣位。始於嘉慶八

年戰勝收復甫二載新立之巴札又叛塞黎慕親征中流矢元

如德亞即猶之巴札亦跋扈不共命土無如之何也中土買諸

諸部為土興基之地部民多隳種尚勉供賦役而西土諸部

近接王都弄兵者接踵而起南境之布臘已裂土為敵國別有

近年自立為小國者又有三部此外藩國波斯早易姓天方即

刺亦隔絕在阿非利加北境者阿爾及耳已為佛郎西所滅惟

突尼斯的黎波里尚通朝貢麥西為海南上壤舊設巴札近年

其巴札叛土攻取東土諸部勢將內犯英吉利佛郎西勒兵勸

和乃分土稱外藩四國詳阿非利加圖說其王自塞黎慕東征不復國人

立慕斯德發未一載廢之嘉慶十三年立馬所美德在位年久

勢益奄奄蓋其國中衰已百餘年今則岌岌乎有亡徵焉從以

世臣夾輔又與英佛諸大國合縱故尚得苟延歲月耳北隣之

俄羅斯大國也與土耳其其中隔黑海東西壤地相接乾隆中土

耳其與之搆兵西域聞見錄所云與俄羅斯搆兵之說前後數

十年始猶勝負相當繼則累戰累止乾隆五十四年土王塞黎

慕為俄羅斯所敗割地以講後俄羅斯大舉來伐佛郎西救之

乃免自是多懼河一帶烽燧頻警奔命不遑道光六年土人侵

俄南境戰而敗績俄以大兵圍其都城國幾亡英佛為之講和

俄兵乃罷

土耳其西土古希臘十二國之地詳希臘圖說北界俄羅斯與地利

亞南抵地中海地形入海之處界希臘國東界黑海東南與買

諸隔一海峽峽名他尼里後漢書大秦傳所云有飛橋數百

里可度海北諸國即指此峽也寬止數里黑海地

中海由此相通春秋時波斯王兩耳士伐希臘

定造洋橋以渡軍相傳古時有石橋地廢久矣西抵亞得亞海

隅縱橫各二千餘里南北高嶺橫亘多阻河繫帶其間地多山

少平土南界海灣凹凸島嶼紛羅地為歐羅巴初狷之土土耳

其以兵力強取之其民本習洋教不樂回教又不堪土之苛斂

近年已成四分五裂之勢所產者棉花煙草葡萄南果羊毛之

類地分八部○建都之部曰羅美里亞一作路其民多土耳其

種族性强悍樂於戰鬥輕死生重然諾不禁鴉片人多羸瘠都

城曰君士但丁建於黑海峽口之西岸本羅馬東都土耳其滅

東王遷都於此更名曰士但丁城極大內有王宮殿宇崇闔城

外海港深廣商舶輻輳匝岸萬厦雲連各國使館在焉多瘟疫

火患所轄亞得安城周十五里內有古殿閣閣凋敝加利城在

馬海灣居民一萬七千高賈互市之地也○西里斯的黎亞一作

在羅美里亞之北北阻多惱河風俗語音近我羅斯其民勤

苦力作奉希臘教會城曰所非居民五萬陸路通商之地也所

轄順刺城形扼山險一夫可以當關為土國北門鎖鑰恃此以

禦戢軍多惱河一帶城堡甚多皆為備戢而設○波斯尼亞一作

不在極西北北距多惱河草場豐廣內有山產鐵甚良居民鑄

為刀劍不堪土之苛政揭竿而起者屢矣○日薩壹爾一作亞

在海濱居民以獵為生剛猛善戰勇於赴敵稱西土精兵會城
 曰藥翰尼拿昔有大酋據地以叛土王連年攻之不能克○黑
 坐義地形入海與希臘隣遍地皆山民居巖谷類愚而悍猛耻
 耻必報遠客來則待之甚厚○塞爾維亞一作在西里斯的黎
 亞之西波斯尼亞之東北距多惱河會城曰古靈德師亞一作
 極堅固其民強武好鬪奉希臘教不樂回教鈴轄別推酋長起
 兵拒土土不能征服與之議和近已自立為國納貢於土○機
 拉幾亞一作瓦在里斯的黎亞之北北阻大山南距多惱河
 縱一千八百里橫四百五十里地形平坦河流交貫土沃宜麥
 草場豐茂牧畜蕃華其民奉西教勤苦力作而土政苛虐培克

百端其地有大酋如列國小侯都城曰不加勃斯多一作布居
 民八萬義羅斯時擁護之近已立國納貢於土○摩浦達維亞
 一作未在大味在機拉幾亞之北西有山嶺界隔地極廣莫居民五十
 萬產五穀南果葡萄煙蜜蠟硝鹽馬牛猪每歲售馬隣封可萬
 匹其地亦有大酋如列侯都城曰鬻西一作藉庇於義羅斯地
 土政必酷虐近亦立國納貢於土○于地亞洲在海中周圍一
 千五百里中峻外坦近海多良田又產橄欖油極佳其民奉希
 臘教不樂土政據地以畔土王征之二十餘年不能服也其島
 山水極秀海口近為沙淤舟行多阻
 土耳其中土曰買諾亞細亞極西之地黑海地中海環其三面

縱約千里橫約二千餘里南北曰縱東西曰橫南北峻嶺崕岷

中多腴壤土耳其起於此土鞑韃種人散布雜居故土雖中衰

尚無分裂所產者較麥五金之鑛蠶絲乾葡萄南果酒油蜜香

料藥材地分六部○亞那多里亞一作古又名小亞細亞三面

界海與西土之羅美里隔一海峽會城居民十萬勤於懋遷西

國商賈雲集每年出入貨價不下數百萬金城內街衢污穢每

瘟疫盛行傳染殆遍所屬大城曰補撒居民六萬大邑曰加士

他曰卒尼多回回廟宇○加拉馬尼亞在亞那多里亞之東土

耳其人初來時寄居於此會城曰可尼土之舊都也○亞達那

一作安在加拉馬尼亞之西南跨山臨海其山之羊毛細如絲

用以織布極溫軟○西威斯一作在加拉馬尼亞之東南臨海

山出銅鑛居民善造銅器○馬拉士一作古地亞東接東土之

亞爾美尼亞西連加拉馬尼亞亞那多里亞兩部北距黑海

德勒比斯達一作德在馬拉士之東北隅南界亞爾美尼亞北

距黑海其埔頭為土耳其與俄羅斯通商之地○買弟附近有

數島曰居伯羅島其土膏腴所產葡萄酒南果最良居民饒裕

女人美姿色舊稱樂土近困於土耳其苛政凋敝甚矣曰羅得

島水土平良勤於農作舊本自立為小國後為土耳其所兼曰

海阿島地極富庶居民十五萬不服土耳其政教道光四年土

耳其以水師攻之屠為赤地曰米地隣島產油酒

土耳其東土在買諾之東亦亞細亞地北枕黑海東北隅接我
 羅斯東界波斯南連亞刺伯麥西西抵地中海縱約二千餘里
 橫約千餘里東北一帶大山疊聳最高者曰阿臘曰黎巴嫩阿
 付臘底斯河一作阿倫得又名八河發源西北底格里士河一作地發源
 正北相對而東南流至巴索拉合流入海西南隅有大澤曰死
 海本大城邑遭異災地陷為湖其水鹹惡周圍皆瘦嶺枯山死
 海之北有湖曰加利利其地為泰西諸國躬建之祖大國名都
 代興者凡十數自為回部所據其民種類各殊在海岸海島者
 皆額力西種即希謂之上等人居於西里亞美索不達迷亞各
 部者半阿丹種即阿刺伯美髯善騎長於經商多素封居於東北山

中者為戈達曼種游牧為生健勇好鬪好虜掠土俗類韃韃里
謂西域游牧各部居於黎巴嫩山中者曰馬羅奈底士曰特魯西士曰
 黑爾西諸種皆回民馬羅奈底士為洋教名師馬倫所化因以
 得名阿丹以兵刀賜入回教戶口繁多其俗儉嗇特魯西果敢
 輕生戰不長平陸而長山險鳥鎗從高擊下發無不中黑爾西
 戰鬪最勇以少敵眾從未敗衄土人與我羅斯戰倚此兩種為
 勁旅諸部地界遼闊距王都絕遠自土耳其中衰守土之酋多
 擁地自擅不供賦役百餘年來僅僅羈縻勿絕而已物產與中
 土同地分五部西里亞一作叙里亞書之西女國即西里亞
說乃華人所傳在地中海東岸東北距阿付臘底斯河南跨阿

刺伯與麥西接壤。黎巴嫩山在其北境。迤邐入於中土。其地大勢分兩城。迤北曰西里亞。古之名國。有海口。曰地破里。居民二萬五千。海濱舊有兩大城。一曰士羅。西頓。昔時商賈萃集。富者均王侯。今成廢墟。一曰大馬士革。其地山川秀澈。田園開爽。花卉尤繁。十里外芳馥。饜人。迤南曰猶太。猶太舊分三部。曰猶太。曰撒馬利亞。曰加利利。在秦漢以前為名國。都城曰耶路撒冷。唐書稱為拂菻。極廣大。城內居民逾十萬戶。本羅馬屬國。後衰亂。羅馬以大兵合圍。城破屠之。部民星散。後再立國。卒為土耳其所取。因其為教祖生長之地。故至今猶豔稱之道。光十六年。麥西酋叛土王。以兵取西里亞。美索不達迷亞二部。二十年。英人助土耳其。

其將興兵。麥西乃還其土。○美索不達迷亞。一作唐俗。陸即在西里亞之東北。倚黎巴嫩山。兩河廻繞。阿什臘底斯河為東。土

中原。唐虞時有諸侯者居此。為泰西諸國之始祖。其地半河半

澤。農力勤苦。境內有八塔者。昔回部都城。亞刺伯。據東土。時藩國。今成廢

墟。又巴庇倫者。一作巴必羅尼亞。又古大國都城。廢滅已二千餘年。

兀礫猶積成岡阜。○古爾的斯丹。一作科爾力士丹。又名野哈馬。在美

索不達迷亞之東。地多山。瘠陋難耕。部民多游牧。於韃靼里命

城曰亞勒破。居民逾十萬。道光二年。毀於地震。不遺一椽。由此

餓草遍野。○亞爾美尼亞。一作亞在古爾的斯丹。美索不達迷

亞兩部之北。阿臘山在其境內。峯壑險峻。洞峽幽深。水漲則巨

舟泊於峯當雲擾時其地被兵絕少故戶口較他部獨繁其民半奉西教勤於商賈家有恒產會城曰黑爾斯倫一作葉西倫地氣寒其七月中即見雪巴牙息在山脚居民之學館也平地近河曰地里北客城與隣國通商山内古耳得族建堡於洞壑之間素為盜巢○巴索拉一作巴所刺在古爾的斯丹美索不達迷亞之東南阿付臘底斯底格里士兩河至此部之東南隅合流入阿勒富海為東南大埔頭五印度商船輻輳其城屋陋欄狹而貿易極盛

按土耳其三土古大秦國之東境即意大里亞之羅馬為西域自古著名之地東土朔關最早巴莊倫建國於前西里亞代興於後

備太一作如大又作如底亞又作如德亞又作德德亞即唐書所謂拂菻國以色列之族由此興焉其國自夏商至漢季歷世最久令辟賢王後

先輝映西土為希臘開基之地西國之剖啟昏濛實由此土君士但丁則羅馬之東都比於有周之維西泰西遠隔神州禮樂車書之化無由漸被而在彼土言之則此數千里者固商周之耿毫西岐聲名文物之所萃也土耳其本回部賤族竄身買諾遺種繁滋遭時衰亂揭竿而起恃其兵力饕食東西遂使名城墮毀典策散亡文獻無徵風流歇絕三土之民就徂醜之地而困糶汗之俗者數百年於茲矣回回之性多殘暴不仁而土耳其為尤甚俗無彝倫國無綱紀日以刀俎

待其民。肢脂膏而供。醉飽三土之民。何不幸之甚也。觀泰西人所著書。西土之困於苛政也。尤甚。勝廣之徒。時時攘臂而彼昏。不知猶晏然為羊車之游。立可翹足而待矣。

泰西諸國。跨亞細亞。歐羅巴兩土者。惟俄羅斯與土耳其兩國。土耳其疆域之大。不及俄羅斯。而擅膏腴之壤。據形便之地。百年来。逐鹿紛紛。迄無止戈之日。固恃其地大兵強。不肯遽為我下也。七椿園不知其國之本名。訛稱為控噶爾。又因其據東羅馬故地。而以千餘年前一統之羅馬。移之於土耳其。荒渺甚矣。又稱俄羅斯本其屬國。缺其朝貢。又擾其邊。控噶爾用東西迭駕之法。俄羅斯大困。增貢乞和。乃免。此出於

烏巴錫詛咒之口。而聞見錄乃鑿鑿言之。豈知與尸累累而屢為城下之盟者。乃即所云控噶爾耶。兩國黑海且隔。風馬牛本不相及。自俄羅斯開高加索部。詳俄羅斯圖說而與土之東土接壤。又開波爾諸部。而與土之西土。是連其初構兵。在乾隆中年。維時俄羅斯勃焉方興。戰攻甚銳。土耳其衰機甫兆。兵力猶強。勝敗之數。大略相當。後則土勢日孱。南風不競。喪師失地。割講頻仍。近年內訌四起。危如累卵。我則辟地益廣。富強又非昔比。悉銳南征。何異折枯拉朽。然土猶幸延至今。未為我所蕪弁者。由於英佛兩大國護持而排解之也。歐羅巴人最惡回教。土耳其之昏虐。又諸國之所鄙夷。英佛之於土。

非有所愛惜而必欲拯其危亡也。我羅斯境土得歐羅巴之
 大半。然北地荒寒。不長水戰。故僅能比肩英佛。而未足以定
 霸一方。若土耳其三土。一旦為所并無。則地無三海。波羅的海。黑海。
 於歐羅巴一土已扼吭而拊其背矣。彼且治船礮。閱形
 勢。一旦擁十萬之衆。卷甲西馳。諸國其能宴然已乎。故英佛
 之存土。非愛土也。懼我之無土而事未有所止也。兩國之強
 弱。所素懾。亦未敢開釁端而延大敵。不得不隱忍。戰兵聽土
 之姑延。殘喘。歐羅巴情勢。頗類戰國。故縱橫之謀。有不期然
 而然者。

泰西人紀巴庇倫。西里亞古事云。上古之世。西土洪荒未闢。

猛戰食人。有虞初者。武力絕倫。能驅獸衛民。衆推為主。虞舜

六載立國於亞細亞兩河之間。兩河謂幼發底斯河。底格

地。建亞曰巴庇倫。始聚人民造宮室。是為西土第一國。後有諸

咸民之孫。曰亞蘇爾。亦建國於亞細亞。曰尼你味。與巴庇倫

為隣。亞蘇爾之子曰尼奴。并巴庇倫為一國。名其國曰亞西

里亞。而四方仍稱巴庇倫。尼奴死。妻西達拉。達斯嗣位。代主

西土上古時即有之。至今遂沿為故事。拓地益廣。亞細亞一洲。即土耳其之中

亞也。半隸版圖。其人習天文。善測星度。西土推步之學。由此

起。夏后不降十三歲。西達拉。達斯死。子尼尼亞斯立。務於耒

靡。不動政事。國勢漸衰。其後傳三十餘世。歷高及周。在位多

中主之令聞。故西史無紀載。猶太者。西土名國。在巴庇倫西

南。壤地褊小。素為巴庇倫屬國。巴庇倫遇藩國無禮。猶太不

恭命。周簡王元年。巴庇倫以大兵伐猶太。攻破耶路撒冷。

部城又猶太王自殺。脇遷其民於巴庇倫。猶太人有但耶利

名拂孫。者。聽異有學識。時巴庇倫王得異夢。心惡之。祕不言其狀。使

群臣測之。中則賞。否則刑。群臣憂懼。罔知所措。但耶利曰。臣

知之矣。王夢大像立於前。其首金。其臂銀。其胸腹銅。其股鐵。

其足鐵與泥半。忽大石飛墜。像立碎。風來吹散其塵。信有之

乎。王大驚曰。信如其驗。云何。曰。驗在國之興廢。金首者。像

王也。銀臂者。將有旁族由褊小而興。銅身者。繼統之國。將有

廣土。鐵股者。再繼之國。當以劍矛摧各部。足之泥。分土之象。

石碎。風摧。則興亡之無定也。王驚異以為神人。寵待之。王卒。

子尼布甲尼撒嗣位。立但耶利為相。相三世。但耶利死。而巴

庇倫益衰亂矣。巴庇倫之東為波斯。有馬太者。波斯大部。其

王居魯士。英果善戰。新蕪波斯諸部。方以取亂侮亡為事。巴

庇倫恬不為備。時巴庇倫王荒虐無政。群下離叛。周景王八

年。居魯士大舉來伐。巴庇倫望風奔潰。圍都城。一鼓而下。巴

庇倫亡。地歸波斯。周敬王年間。巴庇倫叛。波斯王大流士以

大兵圍之。歷一年八月。城破。釘其民千人於架。周顯王年間。

希臘之馬基頓王亞勒散得大舉伐波斯。波斯潰。亞細亞諸

國皆服。波斯遂滅。

漢書卷六

部皆為馬基頓所奪。已而亞勒撒得卒於軍。諸將裂新辟之土自王。亞細亞分為數國。日相戰攻。已而并為一國。仍巴庇倫。舊國名曰西里亞。一作叙里亞傳國百餘年。為西土大部。西漢惠帝五年。為羅馬所滅。詳意大里圖說地歸羅馬。又泰西人記巴庇倫城。高三十五丈。厚八丈七尺。上設塔二百五十。城門一百。以銅為之。周廻一百八十里。南懷仁所記。字土七大宏工。有巴必鸞城。即巴庇倫之轉音即此城也。當其初建。糜膏血而供版築。自以為子孫萬世之業。然居魯士兵來。曾不血刃而克之。金城千仞。果足恃乎。巴庇倫再叛。大流士惡其城垣之高。折毀其半。至今猶存遺址。在土耳其東土美涼。不遠迷亞境內。

又英官李太郭云。西里亞文字。西里亞文字。即巴庇倫所造文字。與諸國不同。與清文極相似。但橫寫順讀耳。因出西里亞文字冊子。余翻閱之。信然。

泰西人紀猶太古事云。猶太古名。迦南有夏帝芒之世。西土有至人曰亞伯拉罕。生於兩河之間。遷於迦

南。其苗裔稱以色列族。傳數世至耶舒伯。有十二子。最少者曰約色弗。聰慧過人。諸兄忌之。賣於麥西為人奴。麥西一名

作厄日多。或作以至此多。又作伊齊不托。在亞非利加之東。止境詳阿非利加圖說。麥西王立以為相。以色列之族群往歸之初。至時七十人。年久繁衍。至六萬人。

麥西王忌其強宗。欲除之。時迦南以色列族有至人曰摩西。

生而神異學識過人報仇殺入逃於荒野四十年夢神人使
 赴麥西救本宗至則麥西王方張網羅欲收以色列族坑之
 摩西密告宗人約期同發至海港潮退變陸渡畢而潮大至
 麥西軍追者皆溺死摩西率衆至迦南之耶路撒冷遂王其
 地摩西卒約書亞繼之分以色列族為十宗裂地封為小部
 統於耶路撒冷周武王元年有措及耳者嗣位德量過人能
 察民枉稱為賢主周成王二十五年王掃羅嗣位好用兵不
 恤民命國人棄之立大辟為王大辟以周昭王十年嗣位敬
 畏天神稱為聖人在位十六年卒王撒門或作項嗣位亦稱
 今辟周穆王年間王羅破暗嗣位始稱猶太國羅破暗卒亞


亞雅繼之三年卒亞撒繼之號為賢會亞繼之後有何雅非
 者亦賢主周孝王二十一年王耶何蘭嗣位王后橫權大戮
 宗黨群臣誅后國乃安王烏西亞嗣位在位五十二年猶國
 稱治亞哈斯嗣位招異族來國助戰遂為國患王希洗家繼
 之驅除異族境內復安周莊王十年王馬拿西嗣立在此四
 十三年王亞們繼之荒淫無道二年而卒周襄王十年王約
 西亞嗣立內修政事外攘寇虐威聲振於西土王禦敵殞於
 陣王耶何雅全嗣立先是巴庇倫為亞細亞大國猶太夙備
 西滿巴庇倫倫修汰遇諸侯無禮猶太王怒絕朝貢周簡王元
 年巴庇倫以大兵攻之城破王自殺遣其民於巴庇倫猶太

遂亡周景王八年波斯滅巴庄倫釋猶太民歸國以色列族復立故國傳三百餘年西漢時降羅馬為屬國後復叛為羅馬所滅屠耶路撒冷都城羅馬衰亞刺伯回部據之猶太為教祖生長之地歐羅巴人時往拜其墓既為回部所據禁不得通諸國皆怒合兵攻回部血戰二百餘年卒奪回猶太地重立為國戍以兵未幾戍兵思故土各散歸尋為土耳其所據其部民散之四方西土各國多有之以數百萬計而總稱為猶太族與列族不相混云余嘗聞之英官李太郭猶太人最講文字西國各種書籍多猶太人所譯解故其國紀載獨詳歐羅巴文士游學者不於希臘即於猶太蓋泰西絃誦之

區也又云猶太女人姿效好而性靈慧與列部迥異娶婦得猶太女則以為威施在室也


猶太自唐以後中國稱為拂菻即撒冷之轉音初轉為拂羅再

轉為拂菻唐書直以拂菻為大秦蓋拂菻在羅馬東部中最近皆名遂誤為大秦別名猶西域稱治罕為安集其也宋明史用之則治唐書之誤耳



希臘圖

國朝
圖



此島在西界遠北
故補圖於此

土耳其界

海峽多里



希臘國

希臘國在歐洲之西其地西土之

南界地形如臂入地中海其盡處槎牙似人掌是為希臘國縱

約五百里橫約七百五十里疆土褊小海灣嶮曲汊港四通洲

與星列產棉花南果羊毛葡萄乾橄欖油五穀煙草當上古時

納羅巴人草衣木食昏濛未啓有夏中葉東方列國已向化善

納孤格木從迦南抵希臘迦南州始教土人以構屋營居耕田

播穀有高中葉羅哥落徒厄日多來即麥立國於雅奧始織羊

毳為衣釀葡萄酒取橄欖為油鑄金鍛鐵作刀刃耒耜又以

文字傳其土人歐羅巴之開淳闢通文學實自希臘始希臘當

商周時分巴之國結為同盟。周敬王年間波斯以大兵攻希臘。希臘各國合縱禦之。波斯敗績遁去。後希臘有馬基頓王亞勒散得者。合列國之兵伐波斯。乘勝直抵印度。王卒於軍部。將分其所得之土。各自王。由是希臘之語言文字布於西土。西漢時意大利亞之羅馬方強。征服四方。希臘各國亦歸版圖。後羅馬分東西。希臘故地屬東土。為亞刺伯回部所侵。日就衰弱。土耳其既興。滅羅馬東王。以兵力取希臘全土地。屬土耳其者四百年。近年土政苛虐。雅典之民不能堪。嘉慶二十五年。遂去土酋土人。以兵攻之。雅典堅守不下。英吉利佛郎西俄羅斯三國壯希臘。各以兵擁護之。土耳其無奈何。乃聽其自立為國。即今之

希臘國也。其地關山迥隔。九曲盤繞。群峯競秀。望若列屏。名勝甲於西土。士女儀容多秀美。男好華冠麗服。女子美髮鬢。樣巧幻多式。藏書之富。甲於西土。人多博覽。各操鉛筆述事。立言其宮殿古蹟。為泰西創造棟宇之初。式國王名阿多本。日耳曼列侯世子。希臘推擇立之。王賢明勤於政事。國雖小。蓋方輿未艾云。希臘新分十部。首部曰雅典。一作亞都城在海灣。曰亞德納斯。自昔為聲名文物之地。今則市井寥落。景象蕭條。○亞爾哥黎一作亞城在海口。曰亞里亞。通商之大埔頭也。○亞加亞城在海口。曰巴辣斯。一作巴亦通商埔頭。街衢汗穢。商旅惡之。○一作墨首邑曰亞爾加的亞。希之堅城也。

人屢攻之不能下。○亞爾加的亞首邑曰的黎波里薩。一作得

亦希堅城昔為土耳其攻破屠三千人希人收復之後盡戮土

人之居守者。○拉哥尼亞海中大嶼也。首邑曰迷斯達拉。一作

居民六萬土磽瘠而農作甚勤無務工商故恒足以自給。○亞

加爾拿尼亞。一作爾首邑曰瓦拉說黎在西界海灣。○羅哥黎

大首邑曰薩羅大。一作座撒居民六萬勤苦力作產棉花煙。○

曼卑亞西界一洲首邑曰哥羅奔多。一作尼昔加拉大首邑

曰黑爾摩波利斯。一作摩中有山嶺牧人所聚素稱盜藪。十部

分畫。○屬島曰八摩昔約翰流徙於此以此著名。○海灣甚

多。東方曰君得撒曰撒羅尼加南方曰益義拿曰拿破里曰可

倫西方曰爾加地曰勒須多。○希臘之西有群島曰各府曰散

他曰撒利曰地亞其曰客花羅尼曰島利哉曰散地總名曰以

阿尼島居民共計十九萬產橄欖油葡萄乾酒蜜南果島各有

渠掌政令屬於英吉利。

泰西人紀希臘古事云上古之時歐羅巴草昧未闢人獸雜

處有虞氏之初亞細亞兩河之間。已見有初立國者曰巴庄

倫。一作巴必贊又作巴必夏后氏之初阿非利加之北境有

初立國者曰厄日多。即泰西詳阿後有諾威氏之裔曰日寧

建國於亞細亞之買諾。即土耳其其國人漸有渡海峽而西者

始知有希臘廣土夏后少康二十六歲買諾人有

伯辣斯日者始立國於希臘之北境曰西西思逾九十餘歲
 有厄日多人遷於希臘名其地曰的丹立國未成衆思故土
 散歸夏后孔甲二十一歲迦南人義納孤一作枯木抵希臘之南
 境始鳩集人民教以營宮室種穀麥昏濛漸啓商王外壬十
 二祀厄日多之灑的斯人灑哥落率其邑人遷於雅典立國
 曰亞德納斯一作亞地拿始興技業立法制辨倫類造文字灑哥
 落卒加拉腦斯繼之治法益詳希臘諸國聞風效慕荒陋之
 俗一變商王沃甲十三祀亞德納斯王弟飛的安嗣位是時
 希臘分十二國時有詬爭而東方諸國已造兵端昂飛的安
 恐諸國之自相攻且心力不齊無以捍大敵乃馳使十一國

結為同盟立公會於德爾摩比勒每國遣使二人歲二會申
 約結齊好惡講求利弊各以聞又各出蓄積貯於德爾佛斯
 堂以備軍儲每國以二人司之由是四隣輯睦十二國如一
 國外侮不生晏然康阜駕舟行地中海懸遠有無勢益富強
 當是時十二國中惟亞德納斯與斯巴爾達一作士帕大最大斯
 巴爾達又名塞拉德摩尼亞其國初分數小部商王祖乙七
 祀有勒利斯者并小部為一國勢與亞德納斯相埒諸小國
 制度皆效兩國所為亞德納斯王德修以商王廩辛六祀嗣
 位時國人分三等曰爵紳曰百工曰農民爵紳多專恣剝民
 工農貧乏國寢弱德修患之乃汰官司裁畧舍抑損豪貴躬

攬大權加惠黎民招徠商旅遠方之民歸之如市百工技業日精操奇贏多素封農夫積倉箱日益饒裕亞德納斯遂為西國大都會子哥德落斯嗣位守其成法益加惠於工農由是爵紳無權而庶民之勢重哥德落斯卒庶民私議曰賢主不可再得傳之貪殘民且重困乃揚言曰能以人必德爾為君者當聽命入必德爾西國所奉宗祖之神也從此不立國王以長官一人治事名長官曰阿爾干以哥德落斯子孫為之繼序如王而權與體視王稍殺越三百三十餘年周平王三十六年國人又以為不便定議阿爾干三年而更尋廢阿爾干立九官以治事九官由眾推選以三年為秩滿賢則留否則更

自是事權紛錯奸宄日多國人患之有連拉固者以才學稱眾公舉修刑書連拉固性嚴刻罪無大小皆予殊死時人號為血書行之數十年國人側足犯法者益眾周靈王年間公舉梭倫重定法制梭倫者望族之英素能以德服人者也刑連拉固苛法酌情罪歸於平允國人大悅復建議車聽一法制司一以資財之多寡分齊民為四等每等百人有興革則集議於議事廳法制司設品官定員數選才德出眾者領之發牘令定刑賞皆由法制司區畫精詳輿論翕然方亞德納斯之廢王而立官也德巴斯首效之諸小國亦紛紛效之德巴斯者舊本非尼亞人詳阿非利加國說其王加連蘇斯於高王

武丁年間立國於希臘者也。迨梭倫重定制諸國，又效之。
斯巴爾達自勃利斯開國，傳四百餘年。至周成王十一年，有
 幽里寺德那斯伯羅刺黎斯者，兄弟也，同即王位。自是國有
 二王同朝治事，其制傳八百餘年，不改。西土傳為異事，亦未
 有效之者。至末造之噶黎厄美尼斯始改為一王。周夷王年
 間，其國有賢主曰利古爾厄，重定制，與梭倫所定之法大
 略相同，而兵制尤為盡善。其俗儉嗇，其人壯武，嘗伐米西奈
 國滅之，得其膏腴之土，國勢益強。是時東方之波斯國方強，
 其王大流士一作達再滅巴庇倫，勢張甚，顧希臘諸國，以外
 夷賤之，不加齒禮。會波斯有大將本希臘人，大流士厚遇之。

據其姪高班，其姪叛附亞德納斯。亞德納斯有罪人，義比亞
 斯奔波斯復挑搆之。周敬王二十九年，大流士以舟師伐亞
 德納斯。亞德納斯乞和不許，於是希臘諸國合縱禦之。波斯
 破亞德納斯大嶺，燔其城。亞德納斯大將米力泰底率眾禦
 之，戰於馬多那波斯敗績。米力泰底奪其七船。大流士德
 償死子澤耳士立。一作捨普重仇耻，以三萬人伐希臘。造長
 橋於他大丘里海峽，長二十大。以渡軍希臘。大震波斯欲招
 斯巴爾達降。斯巴爾達拒險拒之，人決死戰，呼聲動天地。波
 斯軍敗走。時波斯水軍分道攻亞德納斯。亞德納斯大將地
 米多其利率眾禦之。波斯師船泊外海，忽風雷大作，波濤震

蕩壞波斯船四百艘地米多其利以計誘其餘船入內港圍而殲之波斯軍水陸皆敗澤耳士大怒舉傾國之師三十萬攻亞德納斯亞德納斯棄城保於別莫波斯毀其城希臘諸國咸來助戰爭先陷陣波斯軍大潰橫屍數十里狼狽東走亡失殆盡澤耳士乘漁舟遁輜重盡為希臘所得先是希臘諸國自昂飛的安聯盟之後歷千年無改故能同心協力屢破大敵至是爭取波斯遺財頗有違言亞德納斯城扼海口操形勝且聚商舶擅利權斯巴爾達素忌之既為波斯所毀亞德納斯人欲建復而斯巴爾達阻撓之由此兩國交惡盟約解散諸小國各有所附日啟爭端亞德納斯城既新建藩


屬皆納貢餉日益強盛而斯巴爾達遭地震壓死萬餘人叛奴作亂弑王米西奈城又反國衰亂者數十年亞德納斯有賢長曰比哩吉發政施仁閭閻富庶四國頌之會大疫死者相枕籍比哩吉亦染疾卒代位之長多挾私亂政民氣鬱然亞德納斯之西有大洲曰西基利即西治里屬於加爾達額有亞基亞亞底者生長此洲任俠好施素得衆心見亞德納斯衰亂欲取而代之因募兵攻亞德納斯破其水軍斯巴爾達與亞德納斯有夙讎乘西基利之亂以大兵圍其都城毀之亞德納斯遂為亞基亞亞底所據由是希臘諸國互相攻日益衰亂巴而馬基頓興一作馬斯尼亞馬基頓亦十二國之一在希

臘北方初甚微弱。周顯王年間有王曰非立一作非。雄武有
 權略。與希臘諸國交兵。累戰皆克。使客游說之。皆納款為屬
 國。王欲伐波斯。會中刺客死。子亞勒散得一作阿勒嗣位。年
 二十一才。無文武英略。過人。周顯王三十五年。以三萬五千
 人伐波斯。取亞細亞即頃諸地。波斯望風奔潰。波斯王棄
 營走。虜其妃后。因移兵巡行海上。有土羅者。加爾達額之都
 城。詳阿非利加國說。王攻破之。屠八千人。時參西。即元為波斯屬部。
 王征服之。隨其沿海名城。由是所向披靡。游兵及五印度。皆
 納款列。東藩波斯王悉起境內兵。決死戰。王擊破之。圍其蘇
 撒都城。會遭疾。旋師至巴庇倫。卒於軍。諸將各引所部。據新

辟之土。自王從此希臘族散布西土。至漢初希臘尚餘四國。
 曰厄多里亞。曰亞加壓。曰白阿西亞。仍以馬基頓為長。馬基
 頓王非黎卑性強暴。凌侮屬國。三國患之。時羅馬征伐四方。
 兵力方強。三國密求接羅馬。命將以大兵入希臘。非黎卑攜
 妻子逃。羅馬因駐兵。脇三國降。三國悔失計。求助於西里亞。
 一作叙。西里亞者。亞勒散得部將所立國。兼亞細亞諸部。即
 耳其東。為東方大國。時加爾達額敗將漢尼巴亦赴西里亞。
 中兩土。詳意大里阿。其王安的約哥。計希臘亡勢且及。已率輕
 兵救希臘。羅馬迎擊之。安的約哥大敗。遁歸。羅馬兵踵至。圍
 其都城。安的約哥降。希臘四國聞之。皆納土降。地歸羅馬。時

漢惠帝五年也希臘諸國建於夏商至漢初乃亡凡歷一十
 數百年余嘗聞之英官李太郭云雅典最講文學肄習之精
 為泰西之鄒魯凡西國文士未游學於額里士則以為未登
 大雅之堂也古希臘十二國乃今西土耳其全土新布
 羅則雅典一部古亞德納斯之南境也

意大利亞列國圖



皇地制
卷十

界士哈

土耳其



哥打家
又家都士
基佛那西

一竹沙力尼阿

海中海

島里洽西

阿爾及耳界
古加爾
達爾國
突尼新界

加利非阿

漢文地理



意大里亞列國

意大里亞。以世里。以他利。伊達。歐羅巴。古一統之國。漢書所謂大秦國也。東北界塞地利亞。北界瑞士。西北界佛郎西。其餘全土斜伸於地中海。似入股之著履者。中有大山綿亘如脊。其地天時和正。土脈膏腴。穀麥昌茂。花木馨芳。幽谷名園相屬。西土羨為福地。自周以前為土番散部。周幽王時羅馬崛起。國勢漸強。其後武備日精。疆土四闢。至西漢時。北扼日耳曼諸部。至波羅的海。南服阿非利加。北境各國。西辟佛郎西。西班牙。葡萄牙。至大西洋海。又跨海建英吉利三島。東并希臘諸部。括歐洲。西里亞。縱橫千萬里。跨歐羅巴亞細亞阿非利加三土邊外。

意大里亞列國
卷六
十四 附圖

諸國志卷之六 卷六 十七日 夢山昌 五

弱小諸部皆修貢職為臣妾居然大一統之勢建都城於羅馬

諸國仰之如周京西城聞見錄所稱皆爾都東晉時又建東

都於黑海之峽稱為君士但丁一作公騰廷又作康思坦胎諾

其後傳世既久嗣王多淫辟敗度內亂迭生廢立屢見西北諸

部皆擁土自王不復為臣東晉孝武帝二十二年國分為二以

羅馬為西王君士但丁為東王東王至明景泰間始為土耳其

所滅西王居意大利故地劉宋時為北狄特族所滅特族

立國三百餘年佛郎西取之以羅馬都城奉教王後復分裂有

伯梭日爾者嘗并無諸部為一旋以苛暴為國人所廢奧地利

亞征服之割北境之米蘭威內薩兩部自是之後諸部時合時

分日尋干戈雲擾尤甚嘉慶十年佛郎西于拿破侖略定其地

為弗藩部拿破侖敗諸國公使會議於維也納分其地為九大

國四曰羅馬曰多斯加納曰薩爾的尼亞曰那不勒斯小國五

曰巴爾馬曰摩德拿曰盧加曰摩納哥曰勝馬里盧猶總稱意

大里亞其地物產豐饒無有蠶桑之利每歲所產絲綿價值三

十餘萬葡萄酒橄欖油橙排榛栗諸果亦皆繁碩其民身體嬌

弱外寬柔而內陰賊往往昏夜刺殺仇人好談論游戲喜謳歌

有櫻下之風各國皆崇洋教而羅馬為最盛

羅馬一稱教宗國古羅馬舊都也當全盛時文物聲名為西洋

第一大都會至劉宋時為北狄特族所據故王宮闕大半殘

亂眼德界 卷六 十一日 對唱調戲

毀書冊舊典亦掃蕩無遺由是民變夷俗非其舊矣洋教自東漢時傳播西土羅馬人崇信尤篤故國既為狄所據洋教之徒乘機招誘黨羽日繁大權歸其掌握佛郎西既滅我特族遂以其地歸洋教師號曰教王教王歿則大會各教主會議推老成者一人嗣位略如前後藏喇嘛坐林之俗其教傳布各國有不遵者輒挑釁構兵夷滅之或教其民叛主佛郎西之創霸也教王為之加冕英吉利北族之起兵也請於教王教王封以英土其權如此至前明時日耳曼人路得別立西教稱為正教斥洋教為異端邪說於是諸國半歸西教而教王之權頽衰所據之羅馬都城古蹟最多洋教堂極崇宏光彩射目入教之徒如蟻

各食教王俸糈別國之祭司禮拜主遠方之信士焚香禮拜者踵相接也其民情於農事野多曠土山內多穢克盜捕急則逃入教祠堂無復過問者

多爾加納一作突如拿在羅馬之西東北界羅馬西南臨海土地膏腴物產豐厚都城曰佛羅梭薩街衢整潔萬厦疊甍所屬有古城曰北撒昔稱繁會今已凋敝海口有城曰里窩那市舶所萃貿易甚繁

薩爾的尼亞一作沙力尼阿又作撒地尼又作撒丁本意大里大島其國由此島而割意大里西北境遂以島名為國名地在多爾加納之西北與瑞士佛郎西接壤國分四部曰辟門曰熱那亞曰撒亞曰撒

丁島都城在撒歪曰都靈一作士林殿堂宏麗西人豔之一作門多山

田不足耕其民多走別國謀生熱那亞在海隅昔為地中海公

市萬艘鱗集稱大都會意大里戰船皆屯泊於此今衰廢已久

僅存各官之衙署而已撒丁島地甚廣莫而林莽居半居民披

羊皮挾利刃遊牧林薄中性悍獷難於鈐束

那不勒斯一作拿破利又作拿破里又作捏不爾士在羅馬之南東西南三面皆海

正地形似鞞履之處意大里之南境也西南有大島曰西治里

或作什士力又作西基利又作西西里亞與那不勒斯合為一國都城同國名屋宇

高大殿廟整肅郭外萬峯環繞高插雲表內多幽壑古洞別有

火峯峯巔常出煙雲有時火石飛空墜數十里外或飛灰如霜

叢積數尺歷田亩廬舍又火熾迸流如水所至草木皆燼近山

有二古城灰埋已千餘年忽土人掘出垣堞依然傳為異事地

曠甚烈居民頻年被災惟土田肥沃物產豐饒故戶口繁密無

肯避而去者西治里島縱橫皆四五百里土尤肥沃多五穀良

釀島中亦有火峯鄉邑屢遭焚毀吏多苛政教主擅權故夙稱

沃土而民恆貧乏其會城曰巴勒摩埔頭曰黑西拿

巴爾馬一作巴馬在齒爾的尼亞之東摩德拿之西北抵波河縱橫

皆二百里戶口四十餘萬昔為塞地利王女封地佛郎西王冷

破命之后也拿破命既敗其后別離仍據此地

摩德拿東連羅馬西連巴爾馬長三百里廣一百四十里戶口

三十八萬

盧加東連多爾加納西至地中海長九十里廣五十里戶口十四萬餘

率利哥在薩爾的尼亞境內長三十五里廣二十里戶口六千五百

勝馬里唐在羅馬境內袤延約五十里戶口四千餘自推酋長理事不屬教王

意大里西南有馬里他島地多磐石居民積土為田以耕其俗儉嗇勤苦戶口極繁昔保羅浮海擱淺泗登此島為入瘵病著神異之迹故此島名傳西土當回部方強以兵力脇此島島酋

率驍卒拒之回部竟不能取嘉慶年間佛郎西誘降其酋旋為英吉利所奪守以重兵為地中海停泊戰艦之處

按西國自剖判以來惟意大里為一統之朝肇造邦土在成周中紫泥壹在西漢之中分裂在東晉之末宗社之墟在明

景泰間祚數之長泰西無其比也據泰西人所記載其創業之主曰羅慕路一作羅母路於周幽王年間始建城於羅馬列五

土之宜教民以耕稼造戰弩以習戰子努馬一作努馬嗣位初設律例愛育黎元分等威別貴賤境內大治傳七世至達爾公

盧蘇比爾伯淫虐無人理民廢王選賢者二人居高爵立公會以治事高爵每年一易由是國無王而勢日強盛意大里

諸部皆歸版圖。阿非利加北境有大國曰加爾達額。一作迦
 舊名非尼亞。西亞立國最早。由希臘遷於地中海之南岸。其國
 善於商賈。擅地中海之利權。又兼并西班牙。富強無與。將羅
 馬初興時。加爾達額屢侵軼之。又奪其屬島西治里。後羅馬
 漸強。始稱勅敵。搆兵數百年。迭為勝負。西漢初。加爾達額命
 其大將漢尼巴。合西班牙之兵。大舉伐羅馬。連戰皆克。陷南
 境諸城。羅馬大將發比約馬。西摩堅壁以老。其師而遣別將
 馬爾塞羅。伏奇兵。邀其歸路。又遣西比揚。潛師渡海。襲其都
 城。漢尼巴聞警。還救。遇伏。大潰。比渡海。將至西比揚。回兵邀
 擊於海中。全軍盡覆。漢尼巴乘漁舟。奔西里亞。求援。時漢高

祖六年也。是時希臘分數部。馬基頓最強。諸部為所凌侮。求

庇於羅馬。羅馬以兵護諸部。因脇降為屬國。諸部悔之。密約

西里亞為援。西里亞者。一作叙亞細亞大部。在猶太之北。舊

本巴庇倫地。波斯滅巴庇倫。地歸波斯。後馬基頓王亞勒散

得伐波斯。盡取其地。亞勒散得卒於軍。諸將裂其土。自王分

為數國。後并入西里亞。為一國。勢頗強大。故希臘諸部欲倚

之。以拒羅馬。而漢尼巴又盛稱羅馬師疲易敗。漢惠帝五年

西里亞王安的約哥帥兵赴希臘。羅馬迎擊之。西里亞兵大

敗。奔回羅馬。軍乘勝逐北。圍其都城。安的約哥納土降。漢尼

巴自殺。因移兵征馬基頓。馬基頓亦降。希臘諸部皆獻土。漢

惠帝十年羅馬以大兵伐加爾達爾圍其都城城將陷加爾
 達爾闕城自焚羅馬毀其城因畧定其屬部復征服西班牙
 置為別部時前蜀牙為西班牙西境尚木立國是時地中海南岸尚有兩強國
 一名本多一日入占爾達奔多有高哥斯大山為屏障其王
 免的里達爾強武好戰恃天險不肯賓服羅馬命大將西拉
 靈占林征之建兵二十六年屢破其軍免的里達爾拒險不
 肯降漢景帝後元年羅馬大將奔尼以奇兵破奔多殺免的
 里達爾入占爾達尤險遠漢武帝元封五年羅馬大將馬黎
 約征服之由是地中海南岸諸部盡入版圖猶太麥西亦納
 欵北境拓地至日耳曼復西辟佛郎西渡海征英吉利土藩

建為大部西土數萬里無復抗顏行者初羅馬廢國王立公
 會高爵由衆推選原議一年一易後因兵事不得易漸有久
 於位者高爵子孫名曰巴的黎西疇推舉高爵半由巴的黎
 西疇黎庶雖有守傑多阻遏不得進而高爵子孫席富貴以
 勢凌人黎庶積不能平時諸將四征不庭各擁強兵兵皆百
 戰悍不馴至是四方略定諸將各凱旋屯畿甸適有夷族自
 東北來侵亞細亞諸部多翻城應之大將一作往割方
 戰勝收復境土而內變作先是馬黎約之兵與西池之兵詭
 許交關黎庶之黠者乘機倡亂殺高爵子孫民與紳鬪兵與
 兵訖既而兵民紳分黨相攻數旬之內反者如蟪毛而起屠

戮凡數萬人。胡標聞變急回兵。大將一作人略懼撤塞德爾。方西征亦旋師。共平內難。盡戮反者。前後死者凡十餘萬人。國乃定。是時大權歸兩帥。胡標為羅馬宿將。征服麥西猶太。重定亞細亞。建功最早。貪權位。漸驕恣。而懼撤負英略。學術過人。平佛郎西。英吉利。建為大部。勲業尤著。兩人積不相能。懼撤素得民心。胡標度不能抗。託故之東部。起兵攻懼撤。懼撤率眾禦之。戰於希臘之法爾薩里亞。胡標兵潰。單舸奔麥西。麥西王斬其頭獻羅馬。由是懼撤總大綱。立法制。羅馬大治。時高爵有不盛多加西約者。忌懼撤之得大權。將帝制。遣刺客刺殺之。高爵馬爾各安多尼約。因擅權專制。將自王。懼撤猶子唯

大風一作塞薩爾起兵攻之。戰於黑細約河。馬爾各安多尼約大敗。攜其孥而逃。不靈多加西約皆自頸死。漢成帝建始

二年唯大風踐王位是為羅馬復立國王之始。當是時羅馬東境至亞細亞即土耳其。西境至西班牙。英吉利北境。括日耳曼諸部。南境包阿非利加之北境。地無三土亞細亞歐羅

周迴數萬里。盡入版圖。波斯遣使乞和。天子亦遣使通好。徵外諸夷部皆入貢。建始三年唯大風更名曰奧古士都。一作

多士劍兵罷戰。親閉仍納廟門仍納兵主之神兵與性寬大厚

待功臣。親愛士民。為羅馬極隆平之世。其後駕里古刺尼西

相繼立。皆苛暴荒淫。比於幽厲。大將菲士巴山素得民譽。與

推戴為國王。時猶太叛亂。命其子第度伐之。攻破猶太都城。屠之。已而第度嗣立。慈惠愛民。稱為賢主。未幾卒。其弟嗣立。煩刑苛斂。國人不堪其虐。弑之。東漢和帝九年。王大刺壞嗣位時。匈奴侵北鄙。命將擊走之。王性寬惠。矜庶獄有仁聲。晚歲好土木。壯頑童。論者惜其不終。繼立之王。好武屢伐匈奴。勝之。順帝十二年。王安敦嗣立。博物好古。明於治體。修律度。振綱紀。號為中興。時匈奴逐水草屢犯邊。王親率大兵渡河。深入不解甲者數年。窮追至北海。犁其庭。幕伏屍百萬。由是烽燧銷息。數十年無鳴吠之警。東漢之末。昏庸在位。骨肉相殘。國大亂。蜀漢後帝年間。稱王者三十人。日相屠攻。有與聖

都者。削平僭逆。光復舊物。羅馬再康。後因東方多邊患。恒屯重兵以備之。晉懷帝永嘉元年。王君士但丁或作公嗣位。性謙柔。有遠略。建大城於他大尼里海峽之北岸。以控制東方。

即名曰君士但丁城。一作康恩。壯胎。諸格爾。又作宮。士丹的。諾伯。其。又稱。按。鳴。爾。是為羅馬東都。君士但丁卒。三子爭立。國又幾亂。嗣立之王好佛。仇

西教。伐波斯。中流矢卒。王約菲安嗣位。溫恭好禮。修好四鄰。稱為太平。先是東北有叢特族者。一作厄都。又作哥度。為匈奴所攻。降

於羅馬。羅馬處之北境。恣其游牧。生聚年久。日漸強盛。羅馬既立東都。悉以勁兵防東邊。西都守備單弱。叢特突以兵犯羅馬。羅馬王禦之。殲於陣。國大震。乃與之和。王第阿多西嗣

位潔白自修稱為令辟。東晉孝武帝二十二年分國為兩以羅馬為西都以君士但丁為東都立二王分治之其後西都屢為叢特所侵日就衰弱王和柳流嗣立貪饕喜淫刑叢特屢來攻肆行殺掠城邑蕭然宋善王元徽三年叢特圍羅馬都城王出降叢特囚之軍中憂懼死羅馬民私葬之由是西都遂為叢特所據而東都仍稱羅馬國梁武帝二十五年東王如地尼安嗣位精於吏治因舊例煩苛令群臣刑訂之歸於寬簡臣民稱便時國人有航海至中國者携蠶桑之種以歸試植之與土性宜由是繭絲之利興焉。泰西興蠶桑之利為中國之人不知以唐初回回教之摩哈默興於阿刺伯新無

波斯勢張甚欲強羅馬入回教羅馬不從由是為阿刺伯所怒數數被兵是時叢羅斯興於北土以兵侵羅馬羅馬與之和以女嫁之從此叢羅斯崇洋教已而阿刺伯攻羅馬之東境西里亞猶太買諾諸部皆陷峽東地全成敵境僅餘故希臘片土。即土耳其其西上勢益孤弱元末土耳其起於買諾兼并峽東諸部數渡峽。即他大尼里峽已詳上耳其國說攻羅馬侵割其旁邑殆盡明景泰三年攻陷君士但丁都城羅馬遂亡。○後漢書大秦國一名犁鞞以在海西。北海指地中海亦云海西國所居城邑周圍百餘里置三十六將皆會議國事其王無有常人皆簡立賢者其人民皆長大平正有類中國故謂之大秦與安息。即波斯

生即印交市於海中。其王常欲通使於漢。為安息遮遏。不得自達。至桓帝天監六年延熹九年。大秦王安敦遣使自日南徼外獻象牙。犀角。瑇瑁。始乃一通焉。云云考之秦西人所紀載。羅馬都城最大。與漢書周圍百餘里之說相合。又羅馬自努馬七世後。不立國王。選賢者居高爵。立公會以治事。與漢書王無常。人簡立賢者之說相合。漢成帝二年。唯大屋踐王位。仍世及。漢書所云。乃其往事。又漢順帝十二年。王安敦嗣位。號為中興。與漢書延熹九年。大秦王安敦遣使入貢之說。年代名氏均相合。則意大里之為大秦無疑矣。意大里在兩漢時。歐羅巴一土。隸幅員者十七八。故大秦之外。別無海西部落之

名見於范書。惟安敦之入貢。由日南徼外。其為航海東來可想而知。然則謂歐羅巴諸國。明以前未通中國者。殆不其然。

惟市舶之聚於粵東。則自前明始耳。唐宋以來。皆以佛林為

東都屬部。稱之稱浩。字為安。非延也。然自宋以後。佛林為

四事。所據并不為大秦中國。如其原委。故因仍不改耳。今

歐羅巴從洋教者。曰意大里亞。曰佛郎西。曰比利時。曰西班

牙。曰葡萄牙。從西教者。曰英吉利。曰荷蘭。曰德國。曰瑞國。曰

音魯士。曰米利堅。此外兩教參雜者。曰塞地利。曰日耳曼列

國。又別有希臘教者。亦洋教別派。頭里士。茲羅斯尚之。與兩

教教規又不同。近泰西人稱洋教為公教。稱路得等教為修

教。余謂立教以救世也。乃諸國因分教之故而殘殺不已。教



大西洋

日耳曼亞細亞

薩加

薩里非

塞爾河

北荷蘭

亞爾海

得倫德

亞利桑那

南荷蘭

烏文

給勒

北拉班

亞利桑那

亞利桑那

亞利桑那

亞利桑那

亞利桑那

亞利桑那



荷蘭國

荷蘭國荷蘭國○荷蘭國荷蘭國歐羅巴小國也東界日耳曼南界比利時西
北距大西洋海縱約六百五十里橫約三百五十里壤地褊小
 夷坦無山歐羅巴地形此最低陷海潮衝割為洲渚港道縱
 橫交貫其地沮洳卑濕而土脈最腴民習水利善築隄防開溝
 洫又善於操舟能行遠故歐羅巴海市之通行自荷蘭始其地
 古時為土番部落種人名曰巴達漢時意大里據地至佛郎
 西荷蘭土番悍不聽命意大里兵阻水不能進因置為荒服不
 復爭後為日耳曼之弗郎哥人所據蕭齊時佛郎哥取之置酋
 長分領其衆佛有內亂諸酋擁地自擅分為十七小國後有不

爾疇尼亞酋長復并諸部為一自立為侯國北宋時海潮決隄數百里居民皆沒都城幾陷潮退之後積水匯為巨浸曰亞爾零海經營數十年戶口繁滋商賈通行完富過於曩時明初侯查理侵佛郎西圍其都城耀兵而還時荷蘭富民多恃財犯科律侯以峻法繩之刑戮過當衆怨怒有叛志佛郎西乘勢伐之侯震恐納賂請盟佛兵乃退荷蘭舊分南北部侯政苛虐南部即此畫疆不聽命侯與戰敗績隨溝中死永正德季年西班牙王查理第五新為日耳曼所推立已詳地有大權擊佛郎西擄其王西土諸國無敢逆頗行者遂下令無王荷蘭荷蘭不敢抗時荷蘭富甚王減稅以悅其民而悉令入洋教有違西教者積

薪燔之已而查理第五令其子西班牙王非立第二無王荷蘭禁西教尤急南部本習洋教無梗令者而北部夙崇西教堅不肯改非立第二以峻法繩之凡戮數千人荷蘭人憤甚有阿蘭治者智勇過人衆推為主起兵距西班牙西班牙以大衆攻之荷蘭人死戰屢敗而氣不衰佛郎西英吉利嘗引兵救之已而退去阿蘭治激其衆曰西人以我供刀俎當塗肝腦決死戰幸而勝國之福也不濟則決海隄挈妻子為波臣不死者棄舟逃萬里外誓不為之氓衆皆曰諾遂引軍獨進與西班牙鏖戰數十年屢挫西軍西班牙遣客刺殺之其子繼統其衆雄武過父奮力擊西軍大破之西班牙乃斂兵議和由是荷蘭復立為國

晏然安富。承平者二百餘年。當前明中葉。荷蘭航海東來。至中國之東南洋。據瓜哇海口。即噶羅巴迤東迤北各島國。皆建設埔頭。通東西七萬里之海市。故國雖小而富饒。甲於西土。明季嘗以兵船擾閩浙。蹙臺灣。而據之後。為鄭氏所逐。小西洋各埔頭。亦頗為英佛諸國所侵削。而南洋數大島。則依然荷蘭有也。康熙二十七年。王威廉第三有雄略。英吉利人招之渡海。奉以為王。幾霸西土。嘉慶初。佛郎西拿破侖侵伐四國。兵及荷蘭。荷蘭王走死荒野。地歸佛郎西。英吉利乘荷蘭之亂也。奪其瓜哇埔頭。拿破侖既敗。荷蘭復立。故王之裔。英人乃還其埔頭。先是荷蘭南部與北部相仇。當北部與西班牙構兵。南部附西班牙。不相

助。嘉慶十九年。南部與荷蘭合道。光十一年。南部復絕荷蘭。立

他族為王。稱比利時國。荷蘭地形平行。有水無山。東偏僅有邱

阜。亦甚寥落。北境出燕麥。中國稱油麥又出胡麻。形似壁蝨。紫黑色。北有之。非

脂麻也。西北境出大麥。中土出麻與頰料。南境出小麥。俗喜

吸絲烟。故種烟草者多。草場豐廣。便於牧牛。所製奶餅極佳。又

善造火酒。二者通行各國。所織羽毛緞最良。中國貴之。其民俗

樸實耐勞。節衣縮食。治生最為勤苦。無游民。無盜賊。利之所在

不遠。數千萬里。性喜潔。房屋時時掃滌。街衢有污穢。必洗刷淨

盡。稅餉頗重。聽紳士籌辦。王不得專。地分十一部。○北荷蘭西

距大西洋海東環亞爾卑內海。都城曰亞摩斯德爾登。一作倫莫士特

爾坦又作安持堤建於義河之濱架木水上起樓閣以河道為街衢居民二十萬貿易之盛為歐土大都會又有別都曰合其在海濱國王所居殿廷制頗卑狹而民居極整潔米丁烏特兩城有大書院文儒所萃○南荷蘭在北荷蘭之南西面大海南界內港隔斷成兩洲會城曰海牙所屬亞特堤城內通舟楫般商所萃街市華潔○斯蘭德亞在南荷蘭之南西面大海內港縱橫界隔成六洲會城曰米德爾不爾厄○北巴拉班的在斯蘭德亞之東幅員頗廣南與比利時接壤會城曰不亞勒獨各○烏德勒支在兩荷蘭之東會城同部名○給爾德勒在烏德勒支之東北西界亞爾零內海東界日耳曼會城曰亞爾零○德倫

得在給爾德勒之北西界內海東界日耳曼會城曰亞森○疇爾義塞耳在德倫得之北東界日耳曼會城曰索爾○非里薩在疇爾義塞耳之西三面距內海會城曰留瓦爾敦○哥羅威加在疇爾義塞耳之北為荷蘭極北境東界日耳曼會城同部名○查不爾厄在北巴拉班的之東南隅與日耳曼接壤會城曰賣士的里至○十一部之外別一部曰盧森不爾厄在日耳曼界內長二百五十里廣二百里會城同部名戶口二十九萬入日耳曼公會應出兵二千五百五十此部國中未盡應在日耳曼國內

按荷蘭為歐羅巴澤國與魚鱉錯處受水患最甚享水利亦

最優隄防溝洫。猶易易耳。剗木為舟而通行於數萬里之外。

則習於水之明效也。勝國季年。閩浙兩洋。時見侵軼。嘗踞舟

山定海道頭地方。尚燬普陀。普陀巖有萬歷年間官塑佛像。有紅毛為頭之名。

去鼓掉月港。即海澄縣。從前海港深。通大船可直抵城下。荷蘭船時來遊。後港漸於淺。乃移市船於海門。

海門又於乃穿跡。湖崇積三年。荷蘭據澎湖。閩撫南居卒。移於廈門。

乃據臺灣而有之。彼時概稱為紅毛。即荷蘭也。鄭成功長江

之敗。金厦不能守。適荷蘭通事何斌。負通稅逃內地。獻謀取

臺灣。成功悉銳渡海。奪鹿耳。據安平。相持一年。荷蘭大困。成

功乃縱之去。由此絕意中國。不敢復覲片土。先是鄭芝龍受

撫後。嘗以小舟焚荷蘭三艘。厥後成功扼之於臺灣。致致片

帆不返。以彼橫肆如鯨鯢。遇鄭氏父子而弱焉。亦足為遠夷

侵凌中國之烟戒矣。

歐羅巴諸國皆好航海。立埔頭。遠者或數萬里。非好勤遠略

也。彼以商賈為本計。得一埔頭。則擅其利權。而歸於我荷蘭

尤專務此。其航海而東來也。亞非利加。印度。麻刺甲。蘇門答

臘。即已遍設埔頭。噶羅巴。即瓜哇。一島大小。西洋入中國之門。

戶。富盛甲於兩洋。為諸島國之綱領。荷蘭以詭謀據其海口。

建設城邑。流通百貨。由是迤東迤北諸島國。如婆羅洲。一名

阿西里百。一名夫摩連加。一名夫巴布亞。一名那吉尼。之類。大小

凡數十處。說見南洋圖。皆由來由。燒阿武吃番族。荷蘭以次據口

岸立埔頭有租賃其地者有侵脇得之者大約近年以來小西洋諸島國以英吉利為主東南洋諸島國除呂宋屬西班牙餘皆以荷蘭為主地本彈丸而圖國計於七萬里之外歷數百年無改亦可謂善於運籌者歟

鄭芝龍焚荷蘭船見閩人所著臺灣外紀其書雖小說而事多實錄非盡荒唐維時荷蘭夾板擾閩浙芝龍已受撫為裨將奉軍門令往剿荷蘭船堅炮猛不能勝乃募死士善泅者以小船堆柴薪澆以油中藏火藥前置引線船首施短鐵鍊綴利錐死士一人持斧坐船頭數人從旁乘風潮急棹傍夷船以斧釘錐於船艘燃藥線投水鬼回藥燃火發風又猛烈

荷蘭夾板被焚三艘餘悉遁去云余按芝龍本海中劇盜所養皆亡命之徒其權譎能得人死力以此出奇制勝理或有之他書言火攻者紛紛有謂用千百木筏積薪順風潮而縱之者有謂鎖千百小舟積薪艦港面而圍之者大約皆江河火攻舊說否則攻海盜舊說施之夾板擊柁甚矣海面寬闊夾板皆相地散泊近者相隔一二里遠者三四里木筏小舟雖多豈能塞滿汪洋如櫛而進又豈能引鉞拾芥無端而使之相著此自焚舟何與彼事不如芝龍之釘船事雖難而尚有實際耳

大洋西



拿破侖敗荷蘭再立國。嘉慶十九年比利時復與荷蘭合。先是荷蘭崇西教。因此與西班牙構兵數十年。卒獲勝復國。而比利時是近佛郎西。顧獨從佛俗。尚洋教。又夙隸西班牙。奧地利皆洋教國。既與荷蘭合。不肯從荷俗。兩部之民不相能。時時構釁。而荷蘭以比利時夙附仇國。不與恢復之師。素薄其人。不令居顯秩。又不肯收教其幼學。比利時人積不能平。道光十一年。逐荷蘭守土吏。荷蘭伐之。比利時諸部。合兵拒戰。相持數月。伏屍遍野。佛郎西舉兵助比利時。荷蘭乃斂兵退。比利時人遂招明耳曼之薩克撒各不爾厄。小侯留波爾多來國。奉以為王。自立為國。比利時境內大河有二。曰萊斯加爾達。曰米干塞。下游皆

在荷蘭境。貨船由此出運。既絕荷蘭。荷蘭遏其港口。使不得通。乃造鐵軌路。以石鋪路。鑄鐵汁灌之。使平如砥。以火輪車由陸轉運。以達於海。

比利時平原坦闊。南界僅見岡陵。氣候溫平。土膏腴潤。宜穀果烟葉。多草場。便牧畜。無產煤鐵。地分九部。○南巴拉班的。在八部適中之地。都城曰不魯格拉斯。一作不蘭格士。爾又作北律亞。建於塞內河濱。宮廷高大。潔而不華。其民工於紡績。所織呢布皆精良。城內外多植嘉樹為園。供士民遊賞。○安都尼爾。在南北巴拉班的之北。接壤荷蘭。會城同部名。向為水運大埔頭。近年港口為荷蘭所封。舟楫不行。○東發蘭德斯。在南巴拉班的之西。

會城曰干的。織工所聚。呢布由此出運。○西發蘭德斯在東發

蘭德斯之西。西距大海。南界佛郎西。會城曰不魯日。係水運海

口。○海臘德在南巴拉班的之西南。與佛郎西接壤。會城曰蒙

聯。係內地埔頭。○那慕爾在海臘德之東。南界佛郎西。會城同

部名。○列日在那慕爾之東。與日耳曼接壤。會城同部名。○靈

不爾厄在列日之北。東界普魯士。北界荷蘭。會城曰賣士的里

至。此与荷蘭之靈不爾厄相連。會城名亦同。蓋一城分為兩地也。○靈森不爾厄在列日之南。

東界普魯士。南界佛郎西。會城曰亞爾倫。此與荷蘭所轄之靈森不爾厄同名。而會

城名不同。蓋地界亦相近也。

按比利時本荷蘭南部。兩土合併。猶不敵諸大國之半。其初

分也。因查理之妄殺。西班牙之侵術。北部日尋干戈。南部遂

羈縻強敵。其再分也。則由於西教洋教之角勝。於虛立教以

止殺也。今乃因教而相屠。豈不愚哉。

比利時於國初時。曾求專貿易。絕迹多年。佛郎西其姻鄰也。

近復為之代請通市。朝議許之。

